

Neqinik eqqussinermi akitsuutit peerneqarnissaanik Naalakkersuisut peqquneqassasut Inatsisartut aalajangiiffigisassaattut siunnersuut.

(Inatsisartunut ilaasortaqaq Jens-Frederik Nielsen, Demokraatit)

Akissuteqaat

(Aningaasaqarnermut Naligiissitaanermullu Naalakkersuisoq)

Aappassaanneerpeqarnera

Naalakkersuisut sinnerlugit Aningaasaqarnermut Akileraartarnermullu Ataatsimiititaliaq isumaliutissiissummik suliaqarneranut qutsavigaara.

Naalakkersuisut maluginiarpaat, neqinik eqqussinermut akitsuutip peerneqarnissaa pillugu allannguutissatut siunnersuutip akuerineqarnissaa ataatsimiititaliap isumaqatigiilluni inassutigigaa, kisianni savat aamma savaaqqaq neqai pineqartunut ilaatinngit.

Ataatsimiititaliap allannguutissatut siunnersuutaata piviusunngortinneqarnerani ukiumoortumut iluanaarutini annaasassat 13,3 mio. kr.-nut missingersuusiorneqarput. Naalakkersuisut tamanna partiinut aningaasanut inatsisip isumaqatiginninniutigineqarnerani ilanngutissavaat.

Aningaasalersuutissat pisariaqartut aningaasanut inatsisip isumaqatiginninniutigineqarnerani pissarsiarineqarnissaat sillimaffigalugu Naalakkersuisut taamatut naatsumik oqaaseqarlutik, aalajangiiffigisassatut siunnersuummut saqqummiunneqaqqaartumut taarsiullugu allannguutissatut siunnersuut saqqummiunneqartoq, isumaqatigisinnaavaat.